

ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ
ՆԱԽԱՐԱՐՈՒԹՅՈՒՆ

«ԿՐԹՈՒԹՅՈՒՆ ԵՎ ԳՈՐԾՈՒՆԵՈՒԹՅՈՒՆ» ՍՈՑԻԱԼ-
ԲԱՐԵԳՈՐԾԱԿԱՆ ԿՐԹԱՄՇԱԿՈՒԹԱՅԻՆ ՀԻՄՆԱԴՐԱՄ

ՀԵՏԱԶՈՏԱԿԱՆ ԱՇԽԱՏԱՆՔ

Խումբ՝ Պատմություն

Թեմա՝ Կանի տերության ռազմաքաղաքական հզորացումը

Մենուայի օրոք. Իշպուհինի և Մենուայի համատեղ

գահակալումը

Հետազոտող՝ Եսայան Նորայր

Սյունիքի մարզի Հարժիսի Համլետ Մինասյանի

անվան միջնակարգ դպրոցի ուսուցիչ

Դեկավար՝ Մարինե Գրիգորյան

ԳՈՐԻՍ 2022

Իշպուհինի գահակալության տարիներ են համարվում մ.թ.ա. 825-810թթ.-ը, ընդ որում, վերջին տարիներին նա գահակալել է իր որդու՝ Մենուայի հետ: Կա նաև այլ տեսակետ Իշպուհինի թագավորության վերջին շրջանի վերաբերյալ:

Օրինակ, Մ. Կատվայանը կարծում է, որ Սարգուրի Ա-ին հաջորդած Իշպուհինն մ.թ.ա. մոտ 810թ.-ին արքունի գահը թողել է Մենուային, այնուհետև իր մյուս որդի Սարգուրիի հետ վարել է հոգևոր-կրոնապետական գործերը, որով սկզբնավորել է Բիսինի տոհմի քրմապետական ճյուղը¹ :

Իսկ Ն. Հարությունյանի դիտարկմամբ, ճիշտ է, Քելիշինում թողնվել է արձանագրություն Իշպուհինի և Մենուայի անունով, բայց իրենից հետաքրքրություն է ներկայացնում, որ Իշպուհինն այդտեղ հանդես է գալիս հարուստ թագավորական տիտղոսներով, այդ նույն ժամանակ Մենուան հիշատակվում է առանց դրանց՝ չխոսելով արդեն այն մասին, որ այլ տեղ Մենուայի անունը Իշպուհինի կողքում բաց է թողնված:

Ըստ նրա՝ մշտապես հավասարակշռվում էին Մենուայի և Իշպուհինի կառավարումը: Դա լավ երևում է արձանագրություններից, որ գտնվել է Խարակոնիսում, որի համաձայն՝ և՛ Մենուան, և՛ Իշպուհինն նույն կերպ հռչակվում են «հզոր» արքաներ²: Իսկ Մելիքիշվիլին գտնում է, որ Իշպուհինի մշտապես Մենուային հիշատակելը ակնհայտորեն բացատրվում է թագավորի ձգտումներով՝ ամրապնդել իր որդու դիրքերը՝ որպես գահի ժառանգորդ, պաշտպանել նրան գահի այլ թեկնածուներից³ :

Այս առումով պատմագրության մեջ դեռևս վերջնական կարծիք չի ձևավորվել: Ուրարտուի պատմության մեջ առանձնակի աշխուժություն է նկատվում հատկապես այն ժամանակվանից, երբ երկրի ղեկավարման գործին մասնակից է դառնում Իշպուհինի որդին՝ Մենուան: Պահպանվել են ոչ մեծաթիվ, սակայն զգալի արժեք ներկայացնող արձանագրություններ՝ Իշպուհինի և Մենուայի համատեղ թագավորության վերաբերյալ⁴:

¹ Մաքսիմ Կատվայան, Ուրարտու, «Հայկական սովետական հանրագիտարան», հտ Սովետական Հայաստան, Երևան, 1987, էջ 95:

² Տե՛ս Н. Арутюнян, Биайнили (Урарту), Ереван, 1970, էջ 142-143:

³ Տե՛ս Г. А. Меликишвили, Древневосточные материалы по истории народов закавказья, том I, Наир-Урарту, Тбилиси, 1954, էջ 203:

⁴ Հայ ժողովրդի պատմություն, հտ 1, ԳԱԱ, Երևան, 1971, էջ 291:

Իշպուհինի (մ.թ.ա. շուրջ 825-810թթ.) և Մենուա (մ.թ.ա. շուրջ 810-786թթ.) արքաների օրոք միայն մշակվեցին պետության քաղաքական ու մշակութային զարգացման հիմնական այն սկզբունքները, որոնք այնուհետև պիտի դառնային ոչ միայն ուրարտական, այլև հետագա՝ հայկական պետական կազմավորումների գոյության գրավականը: Առաջինը՝ պետության դեռևս շարժուն սահմանների կայունացումն էր⁵:

Այդ թագավորների տարիները «հատկանշվել են Ուրարտուի՝ որպես Մերձավոր Արևելքի հզոր տերության ձևավորմամբ, կենտրոնական իշխանության ամրապնդմամբ, երկրի արտադրողական ուժերի վերելքով և շինարարական աշխատանքների ծավալմամբ»⁶:

9-րդ դարի վերջում (մ.թ.ա.) ուրարտացիները, Իշպուհինի և նրա որդու՝ Մենուայի զլխավորությամբ, Հայկական լեռնաշխարհում մի շարք նվաճումներ են կատարում և զգալի չափով ընդարձակում իրենց պետության սահմանները⁷:

Համատեղ կառավարման սկզբում նրանք մի արշավանքով հաղթեցին Մուսասիրին, որ գտնվում էր Կուրախինի մարզում և Ուրմիայի հյուսիսում գրավեցին Խատխանան⁸:

Պահպանվել է արձանագրություն դրա մասին:

«Խալոյան հզորությամբ Իշպուհինին, որդին Իշտարդուրի (Սարդուրիի), Մենուան, Իշպուհինի որդին, երկիրը (քաղաքը) Արդինին նվաճեցին» և այնուհետև թվարկում են այլ տեղանուններ⁹:

Իշպուհինի և Մենուայի օրոք Ուրարտուի սահմանները ընդլայնվում են ոչ միայն հարավ-արևելյան, այլև հյուսիսային ուղղությամբ: Հարավ-արևելքում, օրինակ, նրանց տեսնում ենք նախ Արդինի-Մուսասիրում՝ Մեծ Ջաբի վերին հոսանքի շրջանում, ուր երկրի նվաճումից հետո կառուցվում են պաշտամունքային շինություններ և զոհեր մատուցվում ուրարտական աստվածներին: Այնուհետև նրանք հասնում են Մեիշտա քաղաք (Ուրմիա լճից հարավ, ասորեստանյան Մես(ս)ի) և ապա՝ մինչև Դիալայի (Տիգրիսի վտակի) ակունքները, ուր նվաճում են Բարշուա

⁵ Ս. Հնայակյան, Վանի թագավորության պետական կրոնը, Երևան, 1990, էջ 5:

⁶ Մաքսիմ Կատվալյան, Ուրարտու, «Հայկական սովետական հանրագիտարան», հտ 12, Երևան, 1986, էջ 276:

⁷ Հայ ժողովրդի պատմություն, հտ 1, Երևան, 1963, խմբ.՝ Պարսամյան, էջ 62

⁸ Տե՛ս Ի. Ի. Мешанинов, Халдоведение, История древнего Вана, Баку, 1927, էջ 20:

⁹ Տե՛ս Կ. Արությունյան, Корпус урартских клинообразных надписей, Ереван, 2001, էջ 56:

(Պարսուա) երկիրը և մեծահարուստ ավարով վերադառնում Ուրարտու: Սրանով Ուրարտուն մարտահրավեր է նետում Ասորեստանին՝ ընդհուպ մոտենալով նրա արևելյան սահմաններին¹⁰ :

Իշպուիհնիի և Մենուայի արձանագրության այսպես կոչված հռչակագրով, որ գտնվել է Խարակոնիսում, Խալդի անունից պատմում է ինչ-որ Մեիշտա քաղաքի և Բարշուա (Պարսուա) երկրի նվաճման մասին: Նույն գրվածքում խոսքը գնում էր Իշպուիհնի և Մենուա թագավորների գործունեության մասին Բարշուա երկրի նույն Մեիշտա, Կուա(նի), Շարիտու և Նեգիբ քաղաքներում¹¹ :

Մեիշտան հիշատակվում է նաև որոշ ժամանակ անց՝ Մենուայի արձանագրությունում:

Բոլոր դեպքերում, Մեիշտան զբաղեցնում է կարևոր տեղ: Կարելի է ենթադրել, որ Մեիշտան հանդիսանում է կարևոր սահմանային ամրոց Մանա և Բարշուա երկրների մեջ¹²:

Իշպուիհնիի և Մենուայի Խարակոնիսյան արձանագրությունը պարունակում է նաև որոշ մանրամասնություններ ուրարտացիների արշավանքի մասին Բարշուա երկիր: Արձանագրությունը վկայում է, որ ուրարտական զորքը, որ հանդես էր գալիս ընդդեմ Բարշուայի, բաղկացած էր 106 մարտական կառքերից, 9174 հեծյալներից, 2704 հետևակից: Այս թվերից երևում է, որ արշավանքը Բարշուայի դեմ զբաղեցնում էր կարևոր տեղ պատժիչ արշավների մեջ՝ լիցքավորելով ուրարտացիներին նոր երկրների և մարգերի նվաճման նպատակներով: Բարշուայի տարածքում ուրարտական թագավորը քշեց հսկայական գերիների զանգվածներ, նաև ձիեր, ուղտեր, եղջերավոր անասուններ¹³ :

Այսպիսով, Իշպուիհնիի և Մենուայի համատեղ կառավարմամբ Ուրարտուի հաջողությունները հարավ-արևելքում բերեց որոշ արդյունքների. ուրարտացիները հաղթական հասան Դիալա գետի վտակին, որտեղ նվաճեցին Բարշուա (Պարսուա) երկիրը իր Մեիշտա, Կուա, Շարիտու և Նեգիբ քաղաքներով: Դժվար է որոշակի բան ասել Բարշուա երկրի նվաճման մասին¹⁴ :

¹⁰ Հայ ժողովրդի պատմություն, 1971, էջ 291-292:

¹¹ Տե՛ս Н. Арутюнян, 1970, էջ 143:

¹² Տե՛ս նույն տեղում, էջ 144:

¹³ Տե՛ս նույն տեղում, էջ 145-146:

¹⁴ Տե՛ս նույն տեղում, էջ 145:

Ուրարտուն աստիճանաբար մոտեցավ Ասորեստանի արևելյան սահմաններին¹⁵ :

Սակայն Իշպուհինին և Մենուան չսահմանափակվեցին հարավ-արևելքի նվաճումով: Եթե այստեղ Ուրարտուն գործ ունեցավ լուրջ հակառակորդների հետ, ապա հյուսիսում նրա դեմ կանգնած էին անհամեմատ ավելի թույլ հակառակորդներ¹⁶:

Հյուսիսային ուղղությամբ ձեռնարկված արշավանքների ընթացքում ուրարտացիները հասնում են մինչև Արաքս գետի վերին հոսանքը (Ուիտերուխի) և պատմական Կղարջք (Կատարգա): Հյուսիսում ընկած էթիունի հզոր ցեղային միության օգնությունն անգամ ի վիճակի չի լինում կասեցնելու ուրարտական զորքերի հաղթարշավը հիշյալ երկրների վրայով: Այդ հաղթանակների արդյունքներն այնքան էական էին ուրարտական պետության համար, որ Իշպուհինին և Մենուան անհրաժեշտ են գտնում դրանք հավերժացնել բազմաթիվ արձանագրություններով, որոնցից պահպանվել են չորսը¹⁷ :

Բայց պետք է հաշվի առնել, որ և հյուսիսում ուրարտացիների ճանապարհը չեղավ վարդերով լեցուն: Այստեղ նրանց տեղացիները ցույց տվեցին պատշաճ դիմադրություն:

Անկասկած, առանձին երկրները և ցեղերը չէին ուզում մնալ ուրարտական տիրապետության տակ: Այդ պատճառով ամեն անգամ ուրարտական արշավների դեմ կազմակերպված հանդես էին գալիս մի շարք ցեղեր, մարգեր, քաղաքներ և այլն: Եվ հենց ուրարտական կառավարիչները չէին բավարարվում նվաճելով մեկ երկու ցեղ և մարգեր:

Հյուսիսում մեծ ռազմական հաջողության շարքին պետք է դասել Իշպուհինիի և Մենուայի ռազմական արշավանքը ընդդեմ Ուիտերուխի, Լուշա և Կատարգա ցեղերի: Նվաճելով այդ տարածքների ցեղերին՝ ուրարտական զորքը հասավ մինչև Անաշե քաղաք և հզոր Կուկուրու: Իշպուհինիի և Մենուայի արձանագրությունը միաժամանակ պարունակում է վկայություն այն մասին, որ էթիունի երկրի թագավորն էր եկել օգնության՝ Ուիտերուխի, Լուշա և Կատարգա ցեղերին զորացնելու¹⁸ :

Ն. Հարությունյանը ոչ պատահական է համարում Իշպուհինիի և Մենուայի մի արձանագրության մեջ այն հիշատակումը, որ բազմաթիվ էթիունյան թագավորներ եկել են օգնության Ուիտերուխի, Լուշա և Կատարգա ցեղերին: Սա վկայում է, ըստ

¹⁵ Տե՛ս նույն տեղում, էջ 152:

¹⁶ Տե՛ս նույն տեղում, էջ 146:

¹⁷ Հայ ժողովրդի պատմություն, 1971, էջ 292:

¹⁸ Տե՛ս Н. Арутюнян, 1970, էջ 146:

նրա, այն մասին, որ այս արշավանքը ուղղված էր ոչ միայն ընդդեմ այդ ցեղերի, այլև հենց էթիունիի դեմ¹⁹ :

Արդյունքում Ուրարտուի հյուսիսային սահմանները կամ Ուրարտուի հյուսիսում ունեցած ազդեցությունը հասավ Արաքսի վերին հատվածի մոտ (Ուիտերուխի), հարավային ծայրերը՝ պատմական Կատարգա և Կարսի շրջան (Էտիուխի)²⁰ :

Հյուսիսային ուղղությամբ Իշպուինիի և Մենուայի ռազմական գործողության ժամանակ ուրարտական զորքի մեծության մասին խոսում է մեծ քանակությամբ ռազմագերիների, ձիերի, խոշոր և մանր եղջերավոր անասունների փաստը, որ քշվում էին նվաճված հյուսիսային երկրներից և ցեղերից²¹ :

Համաձայն ուրարտական գրավոր աղբյուրների՝ Ուիտերուխին պետք է տեղադրել Էրիախիի հարավ-արևմուտքում և Աբունիի արևելքում, Արաքսի վերին հատվածում²² :

Ինչ վերաբերում է Լուշա երկրին, որի դեմ Իշպուինին և Մենուան նույնպես վարում էին ակտիվ ռազմական գործողություններ, ապա այդ երկրի տեղադրման մասին դժվար է ասել ինչ-որ որոշակի բան²³ :

Լուշայի տարածքը պետք է փնտրել Կատարգայի հարևանությամբ²⁴ :

Արշավանքի երթուղին Ն. Հարությունյանի կարծիքով հետևյալն է: Նրա գրելով՝ դատելով Իշպուինիի և Մենուայի համատեղ արձանագրությունից՝ կարող ենք ենթադրել, որ այս արշավանքի երթուղին Տուշպա-Վան մայրաքաղաքից անցել է Վանա լճի արևելյան ափի միջով և Բայազիդ-Ալաշկերտ-Ջումաչայ ճանապարհով հասել է Արաքսի ափը: Հասնելով այդ գետի միջով Արաքսի և Ախուրյանի միախառնման տեղը՝ ուրարտական զորքը այնուհետև բռնեց ուղղություն հյուսիս-արևմուտք, ըստ երևույթին, Խաջիխալիլ-Արդահան-Արդանուչ ճանապարհով²⁵ :

Իշպուինիի մահվանից հետո Մենուան գահակալում է միայնակ:

¹⁹ Տե՛ս նույն տեղում, էջ 150:

²⁰ Տե՛ս նույն տեղում, էջ 152:

²¹ Տե՛ս նույն տեղում, էջ 151:

²² Տե՛ս նույն տեղում, էջ 147:

²³ Տե՛ս նույն տեղում, էջ 148:

²⁴ Տե՛ս նույն տեղում, էջ 148:

²⁵ Տե՛ս նույն տեղում, էջ 150:

Ըստ Մելիքիշվիլու՝ ոչ մի հնարավորություն չկա ճշգրիտ նշել Մենուայի թագավորության սկիզբը: Ասորեստանյան արձանագրություններում Մենուան բացարձակ չի հիշատակվում²⁶ :

Գիտական գրականության մեջ Մենուայի թագավորության սկիզբը պայմանականորեն դրվում է մ.թ.ա. 810 թվականին²⁷ :

Ըստ Լեոյի՝ «Իշպուինիի մահից հետո մենակ սկսեց թագավորել Մենուան: Կորովի, հաղթող, ընդարձակ ձեռնարկությունների, մեծագործությունների մարդ էր նա և աշխարհակալ մի թագավոր: Նա մի գեղեցիկ օրինակ է տալիս արևելքի միահեծան նվաճող իշխանության»²⁸ :

Ուրարտական պետության ռազմական առաջընթացը, նրա իշխանության տարածումը Վանա լճի ավազանում ամփոփված սկզբնական տերիտորիայից ողջ Հայկական լեռնաշխարհի, այնտեղ այդ ժամանակ բնակվող բազմաթիվ և բազմալեզու ցեղերի և ցեղախմբերի վրա և այդպիսով նրա վերաճումը Ուրարտական տերության սկսվում է Մենուա թագավորի օրոք (810-786թթ. մթա)²⁹ :

Եթե Արամեն համարվում է խալդիական պետության (Ուրարտուի) հիմնադիրը, ապա Իշպուինիի որդի Մենուան հանդիսանում է խալդիական պետության ամբողջականությունը և թագավորության կենտրոնական իշխանության ամրապնդողն ու ծավալողը, որ հաջողությամբ պայքարում էր Ասորեստանի նվաճողական էքսպանցիայի դեմ³⁰ :

9-րդ դարի վերջից (մ.թ.ա.) Ուրարտուն դառնում է Առաջավոր Ասիայի ամենահզոր պետությունը և գերիշխող դիրք է ձեռք բերում մյուս պետությունների նկատմամբ³¹ :

Ուրարտական պետության հզորացումը առաջին հերթին պայմանավորված էր Ուրարտուի ներքին սոցիալ-տնտեսական կյանքի զարգացմամբ, ինչպես նաև հզոր և աշխարհակալ Ասորեստանի ժամանակավոր թուլացմամբ: Հատկապես 9-րդ դարի վերջից սկսած ներքին կռիվների և խռովությունների հետևանքով Ասորեստանը, տնտեսապես և ռազմական տեսակետից խիստ կերպով թուլանալով, ի վիճակի չի

²⁶ Տե՛ս Գ. Ա. Меликишвили, նշվ աշխ, էջ 204:

²⁷ Տե՛ս Նույն տեղում, էջ 205:

²⁸ Լեո, Երկերի ժողովածու, հտ 1, Երևան, 1966, էջ 214:

²⁹ Գ. Սարգսյան, Ուրարտական տերությունը և հայերը, Ուրարտու-Հայաստան, Երևան, 1988, էջ 89, տե՛ս Հայ ժողովրդի պատմություն, 1971, էջ 300:

³⁰ Խաչիկ Սամվելյան, Խալդիական հասարակություն, Երևան, 1939, էջ 11:

³¹ Տե՛ս Հայ ժողովրդի պատմություն, 1963, էջ 62:

լինում խանգարել Ուրարտուի հզորացմանը և նրա հաղթական առաջխաղացմանը³²։

Մենուայի թագավորության ժամանակ ուրարտացիները բոլոր ուղղություններով խոշոր նվաճումներ են կատարում և ընդարձակում իրենց պետության սահմանները³³։

Եվ եթե Իշպուինի-Մենուայի համատեղ գահակալման ժամանակ նկատվում էր 2 հիմնական երթուղի ուրարտական նվաճողական արշավանքների (հյուսիսային և հարավ-արևելյան), ապա Մենուայի ժամանակ հանդես է գալիս նաև որոշ այլ ուղղություններ՝ արևմտյան, հարավ-արևմտյան և հարավային³⁴ ։

Մենուայի նվաճումներն են կարևոր հյուսիսում, որը նախորդեց Մենուայի մյուս արշավանքներին։

Պետք է ենթադրել, որ առաջին տեղը զբաղեցնում էր արշավանքը դեպի հյուսիս։ Հյուսիսային հարևանները այդ ժամանակ թույլ հակառակորդներ էին։ Ուրարտուն այստեղ գործ ունեի հատկապես անջատ-անջատ ցեղերի հետ, իսկ երբեմն՝ ցեղային միությունների հետ³⁵։

Հյուսիսային շրջանների հետ կապված, մասնավորապես Անդրկովկասում, Մենուան շարունակեց Իշպուինիի քաղաքականությունը³⁶։

Մենուան և նրա հաջորդները հետզհետե առաջ տարան իրենց նվաճումները Արաքսի հովտում և այդտեղից հյուսիս, դեպի Փոքր Կովկասի լեռները³⁷ ։

Հյուսիսում Մենուան մի կողմից հասնում է Կարսի շրջանը և Ճորոխի ավազանը, իսկ մյուս կողմից՝ մինչև Արարատի հյուսիսային փեշերը՝ Արաքսի աջ ափը, որտեղ նվաճում է Էրիկուախի երկիրը՝ Լուխիունի «արքունի» քաղաքով։ Էրիկուախիի նկատմամբ տարած հաղթանակը ամրապնդելու և Ուրարտուի նվաճողական արշավանքները հետագայում դեպի Արաքսի ձախափնյա հատվածը տեղափոխելու նպատակով ուրարտացիները այդ երկրում՝ Արաքսի աջ ափին, կառուցում են Մենուախինիլի հայտնի քաղաք-ամրոցը (հետագա Ցոլակերտը՝

³² Տե՛ս նույն տեղում, էջ 62-63։

³³ Նույն տեղում, էջ 63։

³⁴ Տե՛ս Н. Арутюнян, 1970, էջ 153։

³⁵ Տե՛ս նույն տեղում, էջ 155։

³⁶ Б. Пиотровский, Ванское царство (Урарту), Москва, 1959, էջ 64։

³⁷ Լեո, Վանի թագավորությունը (Ուրարտու), Թիֆլիս, 1915, էջ 228։

այժմյան Դաշբուռուն գյուղի տեղում): Հյուսիսում Ուրարտուի հաջորդ զոհն է դառնում Էթիունի ցեղային մեծ միությունը, որի տերիտորիան ձգվում էր Սարիղամիշից մինչև Սևանա լճի հյուսիս-արևմտյան ափերը³⁸ :

Էրիկուախիի դեմ արշավանքը բացեց միանգամայն նոր շրջան Ուրարտուի ռազմա-քաղաքական պատմության մեջ: Այդ երթուղին ամբողջովին աչքի էր ընկնում ուրարտացիների մյուս երթուղիներից: Այստեղ Մենուան ձգտում էր ձախափնյա մասին Արաքսի, Արարատյան հարթավայրի, որ ուրարտական գրավոր աղբյուրներում անվանվում է Ազա երկիր:

Իշպուինիի և Մենուայի համատեղ գահակալման ժամանակ դեպի հյուսիս արշավանքի երթուղին, ինչպես հայտնի է, անցավ բավականին արևմուտքով Էրիկուախիի արշավանքից: Ուրարտական զորքը այդ ժամանակ անցնելով Արաքսի միջով Ուիտերուխի մարզի միջով՝ հայտնվեց Ախուրյանի և Արաքսի միախառնման արևմտյան մասում³⁹ :

Այն, թե ինչպիսի մեծ կարևորություն էին տալիս ուրարտական թագավորները այդ արշավանքի արդյունքներին, կարելի է դատել այն ոչ նվազ կարևորություն ունեցող փաստից, որ Էրիկուախիի հանդեպ հաղթանակի մասին Լուխիունի քաղաքում պատմում է մի ամբողջ շարք արձանագրություններ: Այդ արձանագրությունները գտնվել են ոչ միայն Էրիկուախիի (Ցոլակերտ) տարածքում, այլև Ուրարտական թագավորության կենտրոնում, Վանա լճի հյուսիս-արևելյան ափին (Գյուզակ, Բերկրի, Ձորավանք)⁴⁰ :

«Խալդը ուղղեց իր զենքը նվաճելու Էրիկուախի երկիրը, նվաճեց Լուխիունին՝ տապալած Մենուայի միջոցով: Խալդը ուժեղ է, Խալդյան զենքը ուժեղ է»⁴¹ :

Մեկ այլ արձանագրության մեջ նշվում է.«Մենուան գրում է, որ գնացել է Էրիկուախի երկիրը, նվաճել է Լուխիունի երկիրը, որը հարկ է տվել Մենուային»⁴² :

«Մենուան ասում է, որ ով այս արձանագրությունը ոչնչացնի և այլ վնաս տա, ով ասի, որ ինքն է նվաճել Լուխիունի երկիրը, թող նրան ոչնչացնեն Խալդը, Թեյշեբան, Շիվիին»⁴³ :

³⁸ Հայ ժողովրդի պատմություն, 1971, էջ 301:

³⁹ Տե՛ս Н. Арутюнян, 1970, էջ 156:

⁴⁰ Տե՛ս նույն տեղում, էջ 155:

⁴¹ Н. Арутюнян, 2001, էջ 72:

⁴² Տե՛ս նույն տեղում, էջ 72:

⁴³ Նույն տեղում, էջ 73:

Կարևոր է նշել, թե ինչ արդյունք բերեց հյուսիսային արշավանքները:

Ըստ Ն. Հարությունյանի՝ ներառելով այդ ցեղերի և ցեղային դաշինքների տարածքները Ուրարտական պետության մեջ՝ Մենուան ապահովեց պետության հզորությունը ռազմական և տնտեսական տեսակետից՝ ստեղծելով նախադրյալներ հետագա հաջող ռազմական հաջողությունների համար առավել լուրջ հակառակորդների դեմ հարավում և հարավ-արևելքում⁴⁴ :

Մենուան իր թագավորության վերջում մի քանի արշավանքներ է կատարում նաև դեպի հյուսիս-արևմուտք՝ Դիաուխի (ասորեստանյան Դայանի) երկրի կամ ցեղային միության դեմ: Այս ցեղային միությունը, որի տերիտորիան տարածվում էր Ալաշկերտի հովտից մինչև Ճորոխ գետը, դեռևս 13-րդ դարից (մ.թ.ա.) հանդիսանում էր Հայկական լեռնաշխարհի և Հարավային Անդրկովկասի ամենաուժեղ ցեղային միություններից մեկը: Ուսումնասիրողների մեծ մասը գտնում է, որ այս ցեղային միության կամ երկրի անունը պահպանվել է Հայկական Տայք, վրացական Տառ հայտնի նահանգի անվան մեջ: Մենուան իր արշավանքների ժամանակ հաղթելով Դիաուխի երկրի «թագավորին»՝ գրավում է նրա մայրաքաղաք Շաշիլուն և հասնում է մինչև Օլթի գետը: Դիաուխի երկրի «թագավորը» ստիպված է լինում ընդունել Մենուայի գերիշխանությունը, նրան հարկ վճարել և վերադարձնել Ուրարտուից փախած ստրուկներին⁴⁵ :

Արշավանքը Դիաուխիի դեմ զբաղեցնում է առանձնահատուկ տեղ Ուրարտուի ռազմա-քաղաքական պատմության մեջ՝ պահանջելով, ակնհայտորեն, նշանակալից ուժեր, առաջին հերթին, հաղթահարելու արգելքը ուղին դեպի Դիաուխի (Էթիունի և այլ երկրներ և ցեղեր): Երկրորդ հերթին, հենց Դիաուխին Ուրարտական թագավորության համար այդ ժամանակ հանդիսանում էր, ըստ երևույթին, բավականին լուրջ մրցակից: Արդեն այդ ժամանակ՝ Մենուայի արշավանքի, այն իրենից ներկայացնում էր ցեղային միավորում, որի կազմում կային նույնպես ցեղային երկրներ Բալտուլխին և Խալդիթիուլխի քաղաքը⁴⁶ :

Պահպանվել է Մենուայի արձանագրությունը, որտեղ հայտնվում է. «Մենուան ասում է՝ նվաճեցի Շաշիլու քաղաքը, կանգնեցրեցի այս կոթողը Խալդի»⁴⁷ :

⁴⁴ Տե՛ս Н. Арутюнян, 1970, էջ 154:

⁴⁵ Հայ ժողովրդի պատմություն, 1963, էջ 63-64:

⁴⁶ Տե՛ս Н. Арутюнян, 1970, էջ 158-159:

⁴⁷ Н. Арутюнян, 2001, էջ 80:

Մենուան հայտնում է ոչ միայն Շաշիլուի նվաճման, այլև Դիաուխի երկրի այլ կենտրոնների մասին, այդ թվում և Ջուաինա կամ Ջուանի քաղաքի մասին, որը հանդիսանում էր դեպի Դիաուխի Մենուայի արշավանքի վերջնակետերից մեկը⁴⁸ :

Որոշ փաստեր վկայում են այն մասին, որ գնացել է, ակնհայտորեն, դաժան մարտ Ուրարտուի գորքի և դիաուխիյան միության միջև. թագավորական քաղաք Շաշիլուն նվաճվեց կռվով, երկիրը իր ամրոցներով մատնվեց կրակի, ուրարտական զինվորները, հավանաբար կռվով, հասան Շեշե լեռանը և Ջուաինա քաղաքին և այլն⁴⁹:

Ուրարտական թագավորներից Մենուան առաջինն է լինում, որը գնահատում է Արարատյան դաշտի խոշոր տնտեսական նշանակությունը՝ Ուրարտական պետության հետագա հզորացման համար:

Ժամկոչյանը ևս գրում է. «Արարատյան դաշտում ուրարտացիների նվաճումը ամրապնդելու և հետագա նվաճումների համար հենակետ ստեղծելու նպատակով Մենուան Արաքսի աջ ափին, այժմյան Ղաշբուռուն գյուղի մոտ կառուցում է մի քաղաք-ամրոց, որը նրա անունով կոչվում է Մենուախինիլի: Նա այստեղ ոչ միայն նշանակում է կառավարիչ, թողնում է կայազոր և փոխադրում զգալի թվով ուրարտացի գաղթականներ, այլև նրանց համար կառուցում է տաճար, զորանոցներ և բնակարաններ»⁵⁰:

Ինչպես նշվեց, Մենուան փորձում էր ամրացնել հյուսիսային մասերը:

Մալազգիրտի շրջանը, որ հանդիսանում էր Ուրարտուի վաղեմի տարածքը, ծառայում էր կարևոր բազա հետագա արշավանքների համար, որի մասին պատմում են Հասան կալայում, Դերբենդում և Երզրումի շրջաններում արձանագրությունները⁵¹ :

Ըստ Ն. Հարությունյանի՝ կարելի է ենթադրել, որ Մենուայի նշված արշավանքը դեպի հյուսիս-արևմուտք ուներ հետևյալ երթուղին: Ջորքը Վանից սկզբից գնաց Վանի լճի արևելյան ափով և այնուհետև Արաքս գետով, Մուրադիե-Դիադին-Բայազիդ-Ջումաչայ խճուղով: Անցնելով Արաքսը՝ ուրարտական բանակը,

⁴⁸ Տե՛ս Н. Арутюнян, 1970, էջ 161:

⁴⁹ Տե՛ս նույն տեղում, էջ 162:

⁵⁰ Հայ ժողովրդի պատմություն, 1963, էջ 63:

⁵¹ Б. Пиотровский, նշվ աշխ, էջ 63:

ըստ երևույթին, այնուհետև շարժվեց Կարս-Օկամ-Կոստր-Օլթի-Թորթուն-Էրզրում ճանապարհով⁵²:

Դիաուխի, Էթունի, Էրիկուախի և այլ երկրների դեմ տարած հաղթանակը ամրապնդում է Ուրարտուի դիրքերը հյուսիսում և ապահովում նրա թիկունքը: Մենուան արդեն բավականաչափ հնարավորություններ է ձեռք բերում իր սահմանները ընդլայնելու նաև այլ ուղղություններով: Արևմուտքում ու հարավ-արևմուտքում նա նվաճում է Ծուփանի (Ծոփք), Մելիտեա (Մալաթիա), Ուրմե (կամ Արմե), Ալզի (Աղձնիք), Խաթե, Ուլիբա և այլ երկրներ⁵³ :

Մենուայի արշավանքը դեպի արևմուտք և հարավ-արևմուտք ժամանակագրական տեսակետից զբաղեցնում է երկրորդ տեղը՝ հյուսիսային արշավանքից հետո: Այստեղ ուրարտացիները նույնպես բախվեցին առանձին ցեղերի և մարզերի հետ, որոնք չնայած հանդիսանում էին անհամեմատ լուրջ հակառակորդներ, բայց տեղի տվեցին Ուրարտական պետության հզոր ուժի տակ⁵⁴ :

Մենուայի արշավանքը արևմուտք պետք է տեղադրել մ.թ.ա. 807 կամ 806 թվականներին: Այդ ժամանակ Ուրարտուն, ըստ երևույթին, պատերազմական գործողություններ էր վարում 2 ուղղություններով՝ արևմտյան և հարավ-արևելյան⁵⁵ :

Մենուան իր հաջորդ ռազմական արշավանքներն ուղղում է դեպի հարավ-արևմուտք, Եփրատի միջին հոսանքի շրջանում գտնվող Ասորեստանի տիրապետությունների դեմ: Ուրարտացիք Տարոնը, Արածանիի հովիտը, Ծոփքը գրավելուց հետո հասնում են Եփրատ գետին և անցնելով այն, նրա արևմտյան ափին նվաճում են նաև Մելիտինեի (այժմյան Մալաթիա) խեթական փոքրիկ թագավորությունը⁵⁶:

Բալուի արձանագրությունից երևում է, որ նա նվաճել է Ցուպանի երկիրը (հավանաբար Սուխմուի կամ Ալզիի մասը) և հասել է Խեթական երկրին, ընդ որում, ստացել է հարկ Մալաթիայի (Մելիդի) արքայից⁵⁷ :

Արձանագրությունները կարևոր նյութ են տալիս արշավանքի երթուղին վերականգնելու համար:

⁵² Տե՛ս Н. Арутюнян, 1970, էջ 161:

⁵³ Հայ ժողովրդի պատմություն, 1971, էջ 301:

⁵⁴ Տե՛ս նույն տեղում, էջ 154:

⁵⁵ Տե՛ս նույն տեղում, էջ 171:

⁵⁶ Հայ ժողովրդի պատմություն, 1963, էջ 63:

⁵⁷ Տե՛ս И. Дьяконов, Предыстория армянского народа, История армянского нагорья с 1500 по 500 г до н.э., Хурриты лувийцы протоармяне, Ереван, 1968, էջ 157:

Մենուայի արևմտյան արշավանքներից մեկ ուրիշը նկարագրված է Մուշ քաղաքում գրնված մի արձանագրության մեջ և հավանաբար նրանից ոչ հեռու գտնվող Թրմերդի արձանագրության մեջ: ըստ Մուշի արձանագրության՝ կարելի է վերականգնել արշավանքի հետևյալ երթուղին. (Կոտայք)-(քաղաք) Կուլմերի-(Կոտայք)-(քաղաք) Աթաունե-(երկիր) Ուրմե - (երկիր) Արխի (Կոտայք) ⁵⁸:

Մենուայի արշավանքի երթուղին սահմանելու համար բաց է թողնվել այն կարևոր հանգամանքը, որ ինչպես գլխավոր հռչակագրում Բալուի, այնպես էլ արշավանքի նկարագրողական մասերը նվաճված երկրների և մարզերի օրինաչափորեն հիշատակում են Շեբետերիա-Խուզանա-Ցուպանի հերթականությունը ⁵⁹ :

Շեբետերիան պետք է տեղադրել ինչ-որ տեղ հայտնաբերված արձանագրության, Բալուի քաղաքի շրջանում ⁶⁰ :

Նկատի ունենալով այն, որ հետագա երթուղին արշավանքի անցնում էր Արածանիի աջ ափի երկայնությամբ Ցուպանի մարզում (հին հայկական աղբյուրների Ծոփքը), դժվար չէ գալ այն եզրակացության, որ Խուզանա քաղաքը, որ հիշատակվում է Բալուի արձանագրության մեջ անմիջապես Շեբետերիայից հետո, պետք է փնտրել ինչ-որ տեղ Բալուի և հին հայկական Ծոփք մարզերի միջև: Հետազոտողները համերաշխ են այն տեսակետին, որ ուրարտական աղբյուրների Խուզանը հետագայում հայկական ամրոց Խոզանն է՝ Բալուից հյուսիս-արևմուտք, Մուզուր գետի ստորին հատվածում, նրա աջ ափին ⁶¹ :

Ցուպանի երկիրը պետք է փնտրել Մուզուր գետից արևմուտք: Հետագայում այդ տարածքում գտնվում էր մարզ, որ անտիկ պատմիչների մոտ անվանվում էր Սոֆենա, իսկ հայկական պատմիչների մոտ՝ Ծոփք ⁶² :

Այսպիսով, Մենուայի արշավանքի երթուղին սկզբում անցնում էր Արածանիի աջափնյա շերտով, ընդ որում, Բալուի շրջանում ուրարտական գորքը նվաճում է Շեբետերիա երկիրը, Մուզուր-Խուզանա գետի վերջնամասի մոտ, իսկ նրանց և Եփրատի մեջ, հետագա հայկական Ծոփքի տեղում ⁶³ :

⁵⁸ Գ. Սարգսյան, նշվ աշխ, էջ 90:

⁵⁹ Տե՛ս Н. Арутюнян, 1970, էջ 165:

⁶⁰ Տե՛ս նույն տեղում, էջ 165:

⁶¹ Տե՛ս նույն տեղում, էջ 166:

⁶² Տե՛ս նույն տեղում, էջ 166:

⁶³ Տե՛ս նույն տեղում, էջ 166-167:

Մենուայի արշավանքի հետագա երթուղին սահմանելու համար ներկայացնում է որոշակի հետաքրքրություն Բալուի արձանագրության վկայությունը այն մասին, որ ուրարտական թագավորը Ցուպանիի նվաճումից հետո, մի կողմից, գնաց մինչև Խատինիլի երկիրը, իսկ մյուս կողմից, ենթարկել է Մալաթիա քաղաքի թագավորին, պայմանով՝ վճարելու տուրքեր⁶⁴:

Պետք է ենթադրել, որ Խաթինիլիի սահմանները հյուսիսում հասնում էին մինչև Մալաթիա մարզի մոտ⁶⁵ :

Խաթե-Խաթինիլիում է վերջանում Մենուայի արշավանքի երթուղին արևմուտքում:

Համաձայն արձանագրությունների վերը նշյալ տվյալների և ուրարտական մարզերի տեղադրումի՝ կարելի է մտածել, որ մեզ հետաքրքրող Մենուայի արշավանքը Վանա լճի հյուսիսային ափով սկզբից անցել է հյուսիս-արևմուտք (Մանագկերտ) և այնուհետև արևմուտք Արածանիի հյուսիսային ափերի երկարությամբ, Խինիս-Ջիյարետ-Ճապաղջուր-Պալու (Բալու) ճանապարհով: Անցնելով Արածանիով՝ ուրարտական բանակը հետագայում, հնարավոր է, հասել է մինչև Էլյազիգա, իսկ հետո անցնելով Եփրատը՝ կարող է՝ գնացել է դեպի հարավ-արևմուտք՝ Կալե: Այս դեպքում կարելի է ենթադրել, որ ուրարտացիների հետագա ուղին արդեն ուղղված էր դեպի Մալաթիա⁶⁶ :

Որոշ այլ ուրարտական արձանագրություններ վկայում են, որ Մենուան նորից գնացել է Խաթե-Խաթինիլի, բայց այս անգամ այլ երթուղով⁶⁷ :

Հյուսիսային և արևմտյան մի շարք երկրների նվաճումը այն աստիճանի է բարձրացնում Ուրարտուի հզորությունը, որ նա արդեն իրեն նախապատրաստված է համարում կռվի բռնվելու էլ ավելի ուժեղ հարևանների հետ հարավում և հարավ-արևելքում: Այստեղ պատերազմի թատերաբեմ է դառնում Մանա երկիրը, որի տերիտորիան ընկած էր Ուրմիա լճից դեպի հարավ և արևելք: Ելնելով Մանայի դեմ՝ Ուրարտուն, վերջին հաշվով, մարտահրավեր էր նետում Ասորեստանին, որը նույնպես իր նկրտումներն ուներ Մանայի նկատմամբ: Հայտնի է, որ Մենուայի տիրապետության սկզբնական շրջանում, երբ նա զբաղված էր հյուսիսային ու

⁶⁴ Տե՛ս նույն տեղում, էջ 167:

⁶⁵ Տե՛ս նույն տեղում, էջ 168:

⁶⁶ Տե՛ս նույն տեղում, էջ 168-169:

⁶⁷ Տե՛ս նույն տեղում, էջ 169:

արևմտյան երկրների նվաճմամբ, Ասորեստանն արդեն արշավանքներ էր ձեռնարկել Մանայի դեմ (807-806):

Ստեղծվում է վերին աստիճանի լարված իրադրություն, երբ մի կողմից ուրարտական թագավոր Մենուան է կրկնում ռազմական արշավները Մանայի դեմ, մյուս կողմից, նրա ժամանակակից ասորեստանյան թագավոր Ադադներարի Գ-ն (810-782): Ըստ երևույթին, պատերազմական գործողությունները փոփոխակի հաջողություններ են բերում մերթ Ուրարտուին, մերթ Ասորեստանին⁶⁸ :

Հետևելով իր հոր քաղաքականությանը և հավանաբար հաշվի առնելով Ասորեստանի ծանր դրությունը՝ Մենուան նախ իր ռազմական արշավանքներն ուղղում է Ասորեստանին ենթակա և նրան անմիջականորեն սահմանակից այն երկրների դեմ, որոնք գտնվում էին Ուրմիո լճից դեպի հարավ-արևելք: Ուրարտացիք հաղթական կերպով շարժվելով դեպի հարավ-արևելք՝ իրար հետևից նվաճում են Մաննա, Բուշտու, Պարսուա և մի շարք այլ երկրներ⁶⁹:

Մենուան մի արձանագրությունում ասում է, որ նվաճել է Մանա երկիրը, այնտեղ կանգնեցրել Խալդի կոթողը⁷⁰ :

Մենուայի արշավանքը ընդդեմ Մանայի եղել է մ.թ.ա. 807-806 թվականներին:

Կարևոր է Մեհշտայի հիշատակումը:

Մեհշտան հանդիսանում էր սահմանային ամրոց Մանայի և Պարսուայի միջև: Իր արշավանքում Մենուան հասել է մաների ընդհանրական տարածքի հարավային սահման: Այդ տարածքը մի ժամանակ հանդիսանում էր Ասորեստանի տարածք⁷¹:

Մենուա թագավորի առավել նշանակալից ռազմական արշավանքներից մեկը մի կողմից մղվել է Տիգրայի և Մեծ Զաբի վերին հատվածում, մյուս կողմից, Ասորեստանի հյուսիսային սահմանների մոտ: Այստեղ խոսքը գնում է Բաբանախի, Ուսուսուանի, Ուլիբա(նի), Դիրգու (նի), ցեղ Տուշուրնեխիի դեմ մղված կռիվների մասին: Բացի դրանից, տեքստում հիշատակվում է քաղաք Կալիբիլիան, Արպուիան և այլն⁷² :

⁶⁸ Հայ ժողովրդի պատմություն, 1971, էջ 303:

⁶⁹ Հայ ժողովրդի պատմություն, 1963, էջ 63:

⁷⁰ Տե՛ս Н. Арутюнян, 2001, էջ 68:

⁷¹ Տե՛ս Н. Арутюнян, 1970, էջ 177:

⁷² Տե՛ս նույն տեղում, էջ 172:

Մի արձանագրության ավարտական մասում նշվում է, որ այնուհետև ուրարտական բանակը հասել է Կուեննու քաղաքի մոտ, մի կողմից, և Ասորեստանի տիրապետության տակ գտնվող տարածք, մյուս կողմից: Արձանագրությունում հիշատակվում է նաև Մարմանի մարզը⁷³:

Նվաճելով Մանա մարզը և Մեիշտա քաղաքը՝ Մենուայի արձանագրությունը հաղորդում է, որ դրանով Մենուան բաց արեց ճանապարհի դեպի հյուսիս-արևմուտք, Ուրմիա լճի հարավ-արևելյան ափ⁷⁴:

Անդրադառնալով Ուրարտու-Ասորեստան հարաբերություններին Մենուա թագավորի ժամանակ՝ նշենք, որ Մենուայի ժամանակ Ուրմիայի ափին գտնվող Մանա մարզը մշտապես կռվախնձոր էր Ուրարտուի և Ասորեստանի միջև⁷⁵:

Կելիշինի նշանավոր արձանագրությունը ցույց է տալիս ուրարտական հզորության աճումը, ուրարտացիների սպառնանքը Ասուրեստանին իրեն երկրի մոտավոր սահմաններին, այն է՝ Փոքր Ջաբի վերին հոսանքի շրջաններին. դա մի պատասխան է Շամշի-Ադադի հարձակումներին, երբ վերջինիս տուրտանը ավերում է ուրարտական 11 բերդեր և 200 քաղաք⁷⁶:

Որոշ ընդհատումներով (մ.թ.ա. 801 և 791) Ասորեստանը ռազմական արշավանք է ձեռնարկում Խուբուշկիայի դեմ:

Ռազմական բախումները Բիայնիլիի և Ասորեստանի միջև դարձավ ավելի հաճախակի: Դրա մասին մեզ հայտնի է ասորեստանյան ցուցակով էպոնիմներից, որը մ.թ.ա. 801 և 791 թվականներին տեղեկեցնում էին արշավանքի մասին ընդդեմ Խուբուշկիայի: Ինչ վերաբերում է ուրարտական աղբյուրներին, ապա այդ մասին նրանք ոչինչ չեն պարունակում: Խուբուշկիան Ուրարտուի ողջ ընթացքում, այդ թվում և Մենուայի թագավորության ժամանակ, միշտ եղել է հիմնական տարածքը Վանի թագավորության: Ասորեստանի արշավանքը Խուբուշկիայի դեմ ուղղված էր Ուրարտուի դեմ⁷⁷:

Եվ եթե ասորեստանցիները մ.թ.ա. 801 և 791 թվականներին հասան Բախտանի հարթավայր, ապա դա արդեն խոսում է Ասորեստանի մեծ հաջողությունների մասին հյուսիսում, և, ընդհակառակը, Բիայնիլիի

⁷³ Տե՛ս նույն տեղում, էջ 173:

⁷⁴ Տե՛ս նույն տեղում, էջ 176:

⁷⁵ Տե՛ս նույն տեղում, էջ 171:

⁷⁶ Գր. Ղափանցյան, Ուրարտուի պատմությունը, Երևան, 1940, էջ 144:

⁷⁷ Հայ ժողովրդի պատմություն, 1971, էջ 303:

անհաջողությունների մասին: Սակայն պետք է հաշվի առնել, որ ասորեստանցիների հաջողությունները հյուսիսում Ուրարտուի դեմ կրում էին որոշ դրվագային բնույթ, որովհետև այդ արշավանքների միջակայքը մի ամբողջ տասնամյակ է: Մյուս կողմից, մենք միայն տեղեկանում ենք ասորեստանյան արշավանքի մասին Խուբուշկիայի դեմ, բայց ինչով է ավարտվել ասորեստանյան-ուրարտական բախումը, ոչինչ չգիտենք: Դժվար է հավատալ Ադադնիրարի 3-րդի խոսքերին այն մասին, որ նա նվաճել է Նաիրի երկիրը իր բոլոր տարածքներով: Դա նա չէր կարող անել ոչ Մենուայի թագավորության, ոչ էլ առավել ևս Արգիշթիի կառավարման ժամանակ⁷⁸ :

Ուրարտուն ժամանակավորապես չեզոքացնում է Ասորեստանին, որը այլևս փորձեր չի անում իր հյուսիսային հարևանի բուն երկրի վրա հարձակվելու: Ընդհակառակը, դեպի հարավ-արևելք ձեռնարկած արշավանքներից մեկի ժամանակ ինքը Մենուան է հասնում մինչև Ասորեստանի սահմանները⁷⁹:

Մենուայի առավել մեծ հաջողությունները հյուսիսում, արևմուտքում, հարավ-արևմուտքում, հարավում և հարավ-արևելքում վկայում են այն մասին, որ Ուրարտուն ամեն տարի դառնում էր ավելի հզոր ուժով ոչ միայն ամբողջական շարք մեծ մարզերի և ցեղերի դաշինքների համար, այլև հիմնական իր հակառակորդի՝ Ասորեստանի համար: Աստիճանաբար հավասարակշռվեց ուժերը և արդեն Մենուայի կառավարման վերջում Վանի թագավորությունը Ասորեստանի դեմ սկսեց ինչ-որ չափով հանդես գալ ընդհանրական տարածքով Առաջավոր Ասիայի⁸⁰ :

Ասորեստանը ոչ միայն դիմադրություն ցույց չի տալիս Ուրարտուի հաղթական առաջխաղացմանը, այլև իրար ետևից կորցնելով իրեն ենթակա երկրամասերը, շուտով ինքը ևս կանգնում է ուրարտացիների ներխուժման վտանգի առաջ⁸¹ :

Ասորեստանի դեմ վճռական գործողությունները Մենուայի կողմից վերաբերում է մ.թ.ա. 800-790-ական թվականներին⁸² :

Այսպիսով, Մենուայի ռազմական նվաճումների շնորհիվ Ուրարտուն տարեցտարի ավելի ու ավելի էր ամրապնդում իր դիրքերը Առաջավոր ասիայում: Նրա թագավորության վերջին շրջանում Ուրարտուն շատ անախորժություններ է պատճառում Ասորեստանին: Աստիճանաբար հավասարակշռվում են Ուրարտուի և

⁷⁸ Տե՛ս Կ. Արտյոնյան, 1970, էջ 177-178:

⁷⁹ Հայ ժողովրդի պատմություն, 1971, էջ 303:

⁸⁰ Տե՛ս Կ. Արտյոնյան, 1970, էջ 178:

⁸¹ Հայ ժողովրդի պատմություն, 1963, էջ 63:

⁸² Տե՛ս Կ. Դյակոնով, նշվ աշխ, էջ 156:

Ասորեստանի ուժերը: Ուրարտուն նախապատրաստվում է ապագա էլ ավելի ահեղ մարտերի, որոնք արդեն բաժին են ընկնում Մենուայի հաջորդին՝ Արգիշտի Ա-ին⁸³ :

Նվաճումների ամփոփումը բերում է հետևյալ եզրահանգումների:

Վանի թագավորները, քաղաքականապես միահյուսելով պատմական Հայաստանի սահմաններում ու նրանից դուրս գտնվող զատ-զատ ցեղային միություններն ու էթնիկ խմբերին, ստեղծեցին հինարևելյան տիպի դասակարգային ստրկատիրական հզոր թագավորություն⁸⁴ :

Ըստ Գագիկ Սարգսյանի՝ «Ուրարտուն իրեն ենթարկեց տեղաբնիկ, ոչ ուրարտական՝ հայկական, խուռի քանակապես շատ ավելի բնակչություն ունեցող ցեղերին, էթնիկ խմբերին, որոնք իբրև ժողովուրդ դեռ չէին ձևավորվել: Ուրարտական պետության մեջ միասնական ժողովուրդ չէր առաջացել»⁸⁵ :

Ըստ Գր. Ղափանցյանի՝ «Մենուայի քաղաքական լայնածավալ էքսպանցիան Տավրոսից մինչև Արարատյան դաշտը և Ուրմիա լճից մինչև Մելիտենե, ինչպես և այդ թագավորի գրանդիոզ շինարարությունը մեզ վկայում են, որ Ուրարտուն այլևս Արամեի և Սարդուրիի շրջանի հասարակա-քաղաքական միավորը չէ, այլ որակով նորը, փոխվածը, ավելի ուժեղը և ավելի լավ կազմակերպվածը: Իրոք որ միայն այդ ժամանակից գոյություն ստացավ Ուրարտուի պետությունը, և Մենուան նրա այդ վիճակի մարմնավորողն ու արտահայտիչն էր»⁸⁶ :

Մենուան նաև զբաղվում է պետության կենտրոնախույս ձգտումների ջախջախմամբ, պետության ներքին համախմբմամբ, կենտրոնական իշխանության ամրապնդմամբ, երկրի տարբեր շրջանները անվերապահորեն կենտրոնին ենթարկելու ջանքներով:

⁸³ Հայ ժողովրդի պատմություն, 1971, էջ 303:

⁸⁴ Հարություն Մարտիրոսյան, Քարի դարից Ուրարտու, Երևան, 1971, էջ 72:

⁸⁵ Գ. Սարգսյան, նշվ աշխ, էջ 89:

⁸⁶ Գր. Ղափանցյան, նշվ աշխ, էջ 155-156:

ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ

1. Գ. Սարգսյան, Ուրարտական տեղությունը և հայերը, Ուրարտու-Հայաստան, Երևան, 1988:
2. Գր. Ղափանցյան, Ուրարտուի պատմությունը, Երևան, 1940.
3. Լեո, Երկերի ժողովածու, հտ 1, Երևան, 1966:
4. Խաչիկ Սամվելյան, Խալդիական հասարակություն, Երևան, 1939:
5. Հարություն Մարտիրոսյան, Քարի դարից Ուրարտու, Երևան, 1971:
6. Հայ ժողովրդի պատմություն, հտ 1, ԳԱԱ, Երևան, 1971:
7. Հայ ժողովրդի պատմություն, հտ 1, Երևան, 1963, խմբ` Պարսամյան:
8. Մաքսիմ Կատվայան, Ուրարտու, «Հայկական սովետական հանրագիտարան», հտ 12, Սովետական Հայաստան, Երևան, 1987:
9. Ս. Հնայակյան, Վանի թագավորության պետական կրոնը, Երևան, 1990:
10. Б. Пиотровский, Ванское царство (Урарту), Москва, 1959.
11. Г. А. Меликишвили, Древневосточные материалы по истории народов закавказья, том I, Наир-Урарту, Тбилиси, 1954:
12. Н. Арутюнян, Биайнили (Урарту), Ереван, 1970.
13. Н. Арутюнян, Корпус урартских клинообразных надписей, Ереван, 2001.
14. И. Дьяконов, Предыстория армянского народа, История армянского нагорья с 1500 по 500 г до н.э., Хурриты лувийцы протоармяне, Ереван, 1968.
15. И. И. Мешанинов, Халдоведение, История древнего Вана, Баку.